

III საერთაშორისო სამეცნიერო კონფერენცია - ინტერდისციპლინური კვლევები ჰუმანიტარულ და სოციალურ მეცნიერებებში - 2026

ინტერდისციპლინური კვლევების საერთაშორისო ცენტრი სამეცნიერო კვლევების ხელშეწყობის მიზნით 2026 წლის 19 სექტემბერს ატარებს III საერთაშორისო სამეცნიერო კონფერენციას - **ინტერდისციპლინური კვლევები ჰუმანიტარულ და სოციალურ მეცნიერებებში - 2026**, რომელიც ეძღვნება ეროვნული გმირის, თეოლოგის, არქიმანდრიტის, წმინდა მღვდელმონაწამე გრიგოლ ფერადის დაბადებიდან 127-ე წლისთავს. III საერთაშორისო სამეცნიერო კონფერენცია - ინტერდისციპლინური კვლევები ჰუმანიტარულ და სოციალურ მეცნიერებებში-2026- გაიმართება ბაკურციხეში, გურჯაანის მუნიციპალიტეტში, წმინდა გრიგოლ ფერადის სახლ-მუზეუმში.

სექციები იმუშავებს დილის 11-დან 15 საათამდე.

კონფერენციის მონაწილეთა ვახშამი გაიმართება 15: 30-ზე, სიღნაღის მუნიციპალიტეტში, სოფელ ჯუგაანში, „პაპას სახლში“, სადაც მონაწილეები გაეცნობიან კახეთის ეთნო-კულტურულ ყოფას, მიიღებენ მონაწილეობას სურვილისამებრ ეროვნული ქართული კერძების მომზადების მასტერკლასში.

საორგანიზაციო-სამეცნიერო კომიტეტი მიიღებს, როგორც ინდივიდუალურ, ასევე სექციურ მოხსენებებს. III საერთაშორისო სამეცნიერო კონფერენციაში მონაწილეობის მსურველ პირთა ჯგუფმა, რომელსაც ჰყავს სექციის თავმჯდომარე და მოდერატორი, შეუძლიათ წარმოადგინონ საკონფერენციოდ თეზისები (სექციას ჰყავს 1 თავმჯდომარე, 1 მოდერატორი და 4 მომხსენებელი, მოდერატორი შეიძლება იყოს სხვა სექციაში მომხსენებელი ან სექციის თავმჯდომარე), მეილზე interdis.rc@gmail.com ინფორმაცია დეტალურად და გარკვევით უნდა იყოს მოწოდებული, თუ რა ფორმატით მონაწილეობს მომხსენებელი კონფერენციაში, ინდივიდუალურად თუ წარმოადგენს სექციას თავისი მონაწილეებით. სექციის თავმჯდომარეს შეუძლია მოხსენება წაიკითხოს იმავე სექციაში, მოდერატორმა კი საკუთარი მოხსენება უნდა წაიკითხოს სხვა სექციაში, სექციის თავმჯდომარე უწევს ორგანიზებას, რომ გადმოაგზავნოს მონაწილე პირების შესახებ ინფორმაცია და თეზისები ორგანიზაციის მეილზე, როდესაც მას უკვე შედგენილი აქვს სექცია მონაწილეებითა და მათი თეზისებით.

უპირატესობას სამეცნიერო-საორგანიზაციო კომიტეტი მიანიჭებს ისეთ სექციებს, სადაც ჩართული იქნება ერთი ან მეტი უცხოელი მომხსენებელი.

საორგანიზაციო-სამეცნიერო კომიტეტისათვის მისაღებია თეზისები ჰუმანიტარული და სოციალური მეცნიერებების სხვადასხვა მიმართულებებიდან. მოხსენებები შეიძლება განაწილდეს შემდეგ სექციებში:

1. ფოლკლორისტიკა, ლიტერატურის კრიტიკა/ლიტერატურათმცოდნეობა, შუასაუკუნეების კვლევები;
2. ხელოვნებათმცოდნეობა, მსოფლიოს ქვეყნების ისტორია, ეთნოლოგია, თარგმანი;
3. აღმოსავლეთმცოდნეობა, აღმოსავლეთ ევროპის კულტურის კვლევები, ქრისტიანული კულტურა;
4. საერთაშორისო სამართალი, საეკლესიო სამართალი;
5. მასმედიის ისტორია და თანამედროვეობა, გენდერული კვლევები, ტურიზმი;
6. ფსიქოლოგია, პედაგოგიკა, სწავლებისა და კვლევის მეთოდოლოგია, განათლების პოლიტიკა.

საქართველოს მოქალაქე მომხსენებლებმა თეზისები, დაახლოებით 150-200 სიტყვა-ქართულ და ინგლისურ ენებზე, უნდა გადმოაგზავნონ მეილზე interdis.rc@gmail.com ხოლო უცხოეთის მოქალაქეებმა - მხოლოდ ინგლისურად. **თეზისების გადმოგზავნის ვადებია: 2026 წლის 15 ივნისიდან 25 ივნისამდე.** კონფერენციის მონაწილეებმა ველში - subject-უნდა მიუთითონ - **III საერთაშორისო სამეცნიერო კონფერენციისათვის.** სასურველია წერილში იყოს სექციის მითითება. საერთაშორისო კონფერენციის სამუშაო ენებია: ქართული, ინგლისური, გერმანული.

თეზისების გაფორმება:

შრიფტი Sylfaen (ka), ზომა-12, (ქართულად), ხოლო ინგლისური ტექსტისათვის (Times New Roman).

პირველ ხაზზე იწერება მომხსენებლის სახელი, გვარი

მეორე ხაზზე სასწავლებელი/სამსახური, სადაც სწავლობს/მუშაობს

მესამე ხაზზე, ქვეყანა, რომლის მოქალაქე/რეზიდენტიცაა მომხსენებელი

მეოთხე ხაზზე საკონტაქტო ინფორმაცია: მეილი, ტელეფონი

მეხუთე ხაზზე მოხსენების სათაური

მექვესე ხაზიდან თეზისი (150-200 სიტყვა)

კონფერენციაში მონაწილეობის შესახებ მეილზე თანხმობას კონფერენციის მომხსენებლები მეილზე მიიღებენ **2026 წლის 1 ივლისამდე**.

III საერთაშორისო სამეცნიერო კონფერენციის - ინტერდისციპლინური კვლევები ჰუმანიტარულ და სოციალურ მეცნიერებებში - 2026 - მონაწილეებისათვის დაწესებულია სარეგისტრაციო გადასახადი, რაც მოიცავს ტრანსპორტირების, კვების, თეზისების ორგანიზაციის ვებგვერდზე განთავსებისა და სერტიფიკატის ხარჯებს. ინტერდისციპლინური კვლევების საერთაშორისო ცენტრის წევრი საქართველოს მოქალაქე სტუდენტებისათვის (ბაკალავრიატის) კონფერენციის მომხსენებლის სარეგისტრაციო გადასახადია - 160 ლარი, თუ ორი მომხსენებელი წარმოადგენს ერთ მოხსენებას, თითოეულის სარეგისტრაციო თანხაა 150 ლარი, ხოლო ორგანიზაციის წევრი დიპლომირებული და აკადემიური ხარისხის მქონე მომხსენებლებისათვის კონფერენციის სარეგისტრაციო გადასახადია - 180 ლარი. თუ ორი მომხსენებელი წარმოადგენს ერთ მოხსენებას, თითოეულის სარეგისტრაციო თანხაა 170 ლარი. უცხოეთის მოქალაქე სტუდენტებისათვის ((ბაკალავრიატის), რომლებიც გაწევრიანებული არიან/ან გაწევრიანდებიან ორგანიზაციაში 15 ივნისამდე, III საერთაშორისო სამეცნიერო კონფერენციის სარეგისტრაციო თანხა მათთვის იქნება - 50 ევრო/დოლარის ექვივალენტი ლარში (150 ლარი) ხოლო ორგანიზაციის სხვა წევრი დიპლომირებული და აკადემიური ხარისხის მქონე მომხსენებლებისათვის - 70 დოლარი/ევრო (180 ლარი). გაწევრიანების მსურველი პირი უნდა დაგვიკავშირდეს მეილზე: interdis.rc@gmail.com. გასაწევრიანებლად უცხოელმა უნდა შეავსოს განცხადება ინგლისურ ენაზე და გადაიხადოს საწევრო -25 ლარი (უცხოურ ვალუტაზე ეს არის დაახლოებით 10 დოლარი/ევრო).

სტუდენტებისათვის (ბაკალავრიატის), რომლებიც არიან საქართველოს მოქალაქეები და არ არიან ინტერდისციპლინური კვლევების საერთაშორისო ცენტრის წევრები, საერთაშორისო სამეცნიერო კონფერენციის სარეგისტრაციო თანხაა - 170 ლარი, თუ ორი მომხსენებელი წარმოადგენს ერთ მოხსენებას, თითოეულის სარეგისტრაციო თანხაა 160 ლარი, სხვა არაწევრი დიპლომირებული/და ან აკადემიური ხარისხის მქონე მომხსენებლებისათვის კონფერენციის სარეგისტრაციო თანხაა - 190 ლარი, თუ ორი მომხსენებელი წარმოადგენს ერთ მოხსენებას, თითოეულის სარეგისტრაციო თანხაა 180 ლარი.

უცხოეთის მოქალაქე ორგანიზაციის არაწევრი სტუდენტებისათვის (ბაკალავრიატი) კონფერენციის სარეგისტრაციო თანხაა 55 დოლარი/ევრო და/ან შესაბამისი ექვივალენტი ლარში (160 ლარი), თუ ორი მომხსენებელი წარმოადგენს ერთ მოხსენებას, თითოეული მომხსენებლის სარეგისტრაციო თანხა იქნება 50 დოლარი/ევრო (150 ლარი), ხოლო სხვა კურსდამთავრებული, დიპლომირებული არაწევრი მომხსენებლებისათვის სარეგისტრაციო თანხაა - 60 დოლარი /ევრო და/ან სათანადო ექვივალენტი ლარში, (190 ლარი), თუ ორი მომხსენებელი წარმოადგენს ერთ მოხსენებას, თითოეულის სარეგისტრაციო თანხაა იქნება 55 დოლარი/ევროს ექვივალენტი ლარში (180 ლარი).

ა(ა)იკ ინტერდისციპლინური კვლევების საერთაშორისო ცენტრის წევრებს შეუძლიათ დაესწრონ კონფერენციას, როგორც მსმენელები. მსმენელის სარეგისტრაციო თანხაა 160 ლარი (მოიცავს თბილისიდან კახეთში და პირიქით-კახეთიდან თბილისში ტრანსპორტირებისა და კვების ხარჯს).

III საერთაშორისო სამეცნიერო კონფერენციის - ინტერდისციპლინური კვლევები ჰუმანიტარულ და სოციალურ მეცნიერებებში - 2026 - სარეგისტრაციო თანხის გადახდის ვადებია: **2-12 ივლისი, 2026 წელი.**

III საერთაშორისო სამეცნიერო კონფერენციის - ინტერდისციპლინური კვლევები ჰუმანიტარულ და სოციალურ მეცნიერებებში-2026-ის პროგრამას კონფერენციის მონაწილეები მეილზე მიიღებენ 15 ივლისს.

დამატებითი კითხვების შემთხვევაში მოგვწერეთ მეილზე: interdis.rc@gmail.com